

清·方略館 編

清代 方略 全書

北京圖書館出版社



清代方略全書

三一

清·方略館編

北京圖書館出版社

清·方略館纂

欽定蘭州紀略

卷一〇——二〇

一九八五年中央民族學院圖書館影印《古籍珍本叢書》本

欽定蘭州紀畧卷之十

戊辰。

上命軍機大臣傳諭阿桂李侍堯曰。本日據刑部解到從賊逆匪馬復才。令軍機大臣嚴訊。據馬復才供蘭州南關馬姓蕭姓回子。俱有爲賊接濟糧食之事。著阿桂於辦畢正賊時。一併查辦。又供唐家人爲賊紮棧過渡之回子。約有七八十人。馬常福

爲首。又有唐德成、唐蘇麻亨、唐復有、張老師父、張國相也。幫同紮棧等語。唐家川助賊逆回。本應剿洗。其指出各犯。尤當實力查拿。毋使一名漏網。又供蘇阿淖說將來做不成事。卽要逃往苦蘆灣。在洮河西岸。約離西古城二三十里。現在賊營尙有該處逆回三百來人。都會打仗等語。苦蘆灣如果有從賊三百人。則此三百家卽係賊黨。亦應一併

剿捕著傳諭阿桂將苦蘆灣地方查明於圖內添繪貼說呈覽。

已已阿桂李侍堯奏言查賊營之前尙有溝濠二道溝上俱有賊卡我兵於閏五月十六日已撲至第一層溝邊賊匪在第二層溝壩及營內放鎗抵禦不能撲進卽於迤西安設營卡並令馬兵接連佔至黃河邊嚴密防守是夜賊人不

政復出攻撲。惟於十七日申刻。烈風暴雨時。賊
匪乘勢出壕衝突。被鎗箭殺死十餘人。始行退
入溝內藏匿。拚死支持。臣思賊營旣在掌握。不
值用力攻撲。傷我官兵。且恐我兵一擁進攻。賊
匪鋌而走險。不能保無竄逸。因與海蘭察明亮
公同熟商。於本布爾廟迤西至蓮花池。繞出華
林寺後院。勒下。直接龍尾山。俱安設官兵木城。

營卡。星羅碁布。空缺處并創挖深壕。四面圍困。使賊人不能下至黃河取水。其華林山東水磨溝之水。派員前赴上游。相度地勢。可以旁洩處。俱令旁洩。其水磨溝業已斷流。賊人水道既斷。數日內不戰自亂。可以盡數擒剿。而官兵遇圍攻打。亦斷不致耽延時日。奏入。

上命軍機大臣傳諭阿桂李侍堯曰。閱阿桂所奏。現

在安設木城營卡。刨挖深壕。使賊不能下至黃河。取水。其水磨溝之水。業已旁洩斷流。所奏自是正辦。覽之亦爲慰藉。第惜籌之不早耳。至現在續令軍機大臣審訊逆犯馬復才。據供八蜡廟內樓房九間。上下多是糧草。并墳園內有屋六間。俱堆糧食等語。恐賊人儲蓄尙復不少。若我兵竟待其食盡坐斃。則曠日持久。亦復不成事體。因思賊營樓

房本高。且樓屋皆係木植構成。易於引火。何不於
夜間令沿河防卡官兵。以火箭火彈等向準拋射。
將所蓄口食盡行燒燬。則於剿捕更速。著傳諭阿
桂。令其妥酌辦理。

庚午。

上命軍機大臣傳諭阿桂李侍堯曰。現在官兵四面
圍困。賊自不能復得援應。但閱圖內東西北三面

俱係陡塹。而北而又逼臨黃河。其勢俱難仰攻。官兵自止。能從南面進剿。因思該處賊人所挖溝壕。二道雖屬寬深。然或令官兵等填壕而進。賊人必出而抗拒。我兵即可乘勢用鎗箭勦殺。似亦辦理之一法。至賊人所貯樓房之糧草。昨已諭令阿桂。派兵用火箭火彈拋射焚燒。即使相離尙遠。非火彈所能到。而火箭自不難射及。阿桂務須設法籌

辦使之潰亂。無爲曠日持久。待其食盡坐斃之計。

臣

等謹按行兵制勝。惟在相機決策。方不致曠日持久。蘇四十三等負嵎死守。溝壕深廣。未能迅就擒捕。仰蒙

皇上先幾指示。將火彈火箭拋射。填壕進攻。臣阿桂

接奉

諭旨。得所遵循。於剿滅賊巢時。全用火彈火箭。及樹

枝草捆填滿溝壕。官兵遂一擁直入。痛殲賊
八。馘斬首惡。仰見

聖慮周詳。萬里情形洞若觀火。非韜鈴家所能窺及
也。

辛未

上命軍機大臣傳諭阿桂李侍堯曰。前經降旨。令阿
桂等於籌辦善後事宜案內。將陝甘二省應添兵

數若干。妥議具奏。因諭軍機大臣將陝甘二省原額兵若干。現存兵若干。交部詳查。今據查奏陝甘二省兵丁除節年移駐新疆屯防。並扣缺不補外。現存兵五萬二千四百五十四名。較原額少兵三萬一千九百二十名等語。自新疆一帶盡入版圖。拓地二萬餘里。兵儲經費自應加增。今該二省內地兵數既較原額減少三萬有餘。自應量爲添設。

但不必竟照原額添補。朕意酌添兵一萬餘名。亦足敷用。至兵丁有馬步守三項之分。各省成例。大約以馬三步七爲率。朕意馬兵一項。自較步守爲優。遇有調遣。亦可得力。今既酌爲添設。不如竟將馬兵酌添六七千名。卽所需兵餉較多。而爲捍衛邊陲起見。正不必斤斤小費。著傳諭阿桂李侍堯。於籌議善後時。確核此二省地方營制情形。將某

處應添兵若干及馬步守三項。應如何酌量分派之處。逐一妥議具奏。其陝西一省。並著會同畢沅辦理。至現在所少兵三萬一千餘名。查係歷年移駐新疆屯防。及扣存不補之缺。但新疆一帶。未必駐兵有三萬餘名之多。著傳諭阿桂等。將新疆一帶實在移駐屯防兵若干。此外扣存未補兵額若干。及如何扣存不補之處。逐一詳悉查明覆奏。再

陝甘二省。從前原係一省。是以該部於原額兵冊。不能按省分開載。但現存兵數。既尙有五萬二千餘名。卽甘肅所駐。較西安爲多。亦未必大相懸絕。何以畢沅前奏陝省此時兵力。合計不過萬餘。若陝省兵數實止如此。則甘省存兵。計尙有四萬餘名。何致逆匪起事時。又無兵可調。其詳總不能深晰。並著傳諭阿桂李侍堯詳確查明覆奏。